

皇朝經世文五編



時務分類文編卷十九

圖法

國家何以鑄錢曰以爲民也日用通行非此不便也今日何以停鑄曰以爲國也銅價過昂所得不償所費也然則有益無損有利無弊既可便民又不病國者莫自鑄金銀錢若矣古之時粟帛交易而止矣自首山采鑄九府通行炎漢五銖輕重適當泉刀貨幣之用繇歷四千餘年唐宋以還疆土益廣至明而後地丁稅課概用紋銀良由人利輕齎事趨簡便三品之輕重視九州之廣狹以爲差然紋銀折算畸零權衡輕重出入高下之際吏胥弄法市僧操奇銅錢則笨重煩難不能及遠運千緡以行萬里所得者幾何矣今日萬國通商外國銀錢徧行於東南各省民情之所便卽天意之所開也歐洲諸國航海東來因商旅暢通途日還銀錢猶有不便乃一律行用金錢自中國印度外貨幣交通概以黃金爲準因時制變雖聖王不能禁之矣其顯敝中國者莫甚於洋債一宗鑄價參差隱虧鉅萬而民間貨物一出入低昂輕重均以金磅爲衡暗剝潛銷利源外溢國家所恃以宜民利用奔走一世者太阿之柄甘授之於外人薄海漏卮永無底止殆不得鋪張塗飾視若緩圖矣謂宜統飭各省設局購機將三品之金一律鑄錢行用其金錢銀錢之輕重及五分一角四開諸式畧仿泰西惟參酌情形熟權子母別定式樣詳議章程仍由戶部侍郎主持其事錢局薪俸及防弊諸端均參仿中西從其善者礦

政局開采所得就近平價采買以供鼓鑄之需仍與鈔法局相爲表裏互資挹注外合內分相繫相維立於不敗部庫藩司收解之款亦將銀兩折合金錢銀錢三者並收畧照時價年終奏定由部頒行各官廉俸既增則火耗陋規均可酌量裁減民生日厚國用益饒而天下吏胥衙蠹舞文翫法之端已剗削根株不去而自去矣夫三品厥貢夏書兩著其文天生五材以利民用今日之貧匱非食之不足實用之不充也中國金礦銅礦之多遠非泰西所及伐山開礦就地鑄錢免西人龍斷之虞有四海流通之利商務日振工藝日興再歷數十年中國之豫大豐亨有斷非海外小邦所能及者此自有之利自主之權乃怠惰因循守株待兔補苴掇拾剗肉補瘡他日財盡民窮偶有水旱偏災鋌而走險其事尙忍言哉迨天之未陰雨徹彼桑土綢繆牖戶維此下民孰敢侮予鴟鴞之詩人所爲拊心而歎也

交鈔

鈔法者所以濟金銀銅三品之窮也皮幣之端開於漢武沿於唐宋盛於金元逾變逾輕久而益敝明兩行之而敝

國朝一行之而亦敝者豈鈔法之果不可行哉信則行不信則不行有鈔本則可行無鈔本則決不可行也元明之末造皆因府庫空竭欲以洛陽貴紙盡籠海內之金錢立意欺民而欲民之信之也得乎然則有國者何爲而必行鈔法也曰無他上下均便而已矣以國計言之歲入

一千萬之款而造千萬之鈔行之民間鈔本相均無流弊也而銀鈔兩行咸得

况交子會子四海通行轉運煩費之端可以盡免矣以民生言之交易往來現錢已多不便至攜行遠道則水火盜賊在在堪虞何若一紙輕質取之如寄乎今日民間未嘗不行鈔也承平之世晉商滙兌獨擅利權自通商以來銀行徧設於海疆錢票廣行於內地或函或票與古人交鈔何殊惟國家自有之利權下散於商民漸移於外國耳龔自珍曰本朝行私鈔而不行官鈔他日必有巨商虧閉而四海爲之搖動者閱數十載此言驗於阜康夫使絕市閉關仍如前日度支充溢歲有贏餘則鈔法不行焉亦可也使如元明之季庫藏已竭鈔本難籌則雖欲行焉而有所不能也鈔法之當行而可行者此其時矣行之之法奈何宜於戶部別立鈔政府專派侍郎主持其事各省各埠設鈔政局所有辦法參仿滙號銀行與商政圖法兩局相爲表裏此設官之法也由戶部綜計入款歲撥二百萬以五年爲期京協各餉育成滙解苟有擠軋庫款准其通融隨卽劃還以清款目此提本之法也上下出入統以銀鈔各半爲衡通行之鈔三品兼權一圓至十圓爲度由鈔政府製造頒發參仿西法作僞無從滙兌之款照依滙費或函或票事後繳銷此用鈔之法也現有之滙號銀行原可並行不悖公私緩急亦可相通惟分號分行須歲補鈔政局費數百金以示急公之義此收權之法也泰西銀行章程貧民蓄積數元均可存放生利商民挪借必有抵押取息甚輕國家需用之時可以代籌巨款

照收薄息以示大公此裕國便民之法也夫萬國通商而後其地廣矣其用宏矣不立鈔法以濟其窮必有扞格而不通取攜而不便者此亦必然之理必至之情矣博攷良規擇人而理厚其薪俸嚴其勸懲至信至公達於中西通於上下斯恤商恤民之本足食足兵之原商務之所由振興民生國計之所以維持於不敝也聖人復起不能易已

鑄銀條陳

呈爲敬陳管見仰懇據情代奏事竊維夏書禹貢惟金三品三品者何金銀銅也周興以珠玉爲上幣黃金爲中幣刀布爲下幣恐上幣太貴下幣太賤乃高下其中幣以制上下之用故曰黃金者用之量也蓋天下之財幣惟貴能制賤惟重能制輕非三品兼權不足濟生人之日用三代以前聖神相繼自黃帝以下莫盛於成周而文武當日理財實以黃金爲準遂以車書一軌九譯來庭固由德化之覃敷亦制馭之得其道耳明初紋銀之貴與黃金等故俸餉地下概以紋銀出入歲僅二百餘萬而民間仍用銅錢卽以貴制賤以重制輕之義也萬厯以後美國銀礦大開運入中國本朝沿明舊制仍用紋銀年復一年度支漸以不敷俸餉皆難自給上旣病國下復病官病民何則紋銀之價日賤日輕不足以制物價之貴重也英吉利旣得新舊金山自鑄金錢名之曰鎊每鎊重二錢二分五釐持以與各國通商無能敵者蓋閭

合周法得貴賤重輕相制之道故能縱橫四海獨擅利權各國隱受其虧不能不謀自立美洲分國亦鑄金錢式與英等嗣而法效之矣德效之矣俄效之矣奧日意比效之矣今日本亦效之矣其與英鎊同者十之七八不同者十之二三蓋人貴我賤人重我輕必爲人制我貴人賤我重人輕必能制人人貴我亦貴人重我亦重則雖不能制人而亦可以自立此必然之理也各國制度不必仿英而不能不仿英之鑄錢者非有金錢一通商卽爲人所制也今各國皆有金錢而中國獨不用不鑄受害之鉅悉數難終約畧言之厥有四弊一曰國債中國前時所借洋債尙少然撥還期近鎊價必抬以十成計之輒虧至二三成以上今歲撥三十萬歲虧二成卽多出銀數百萬兩至於購礮購船一切海防之費無一物不買鎊卽無一事不受虧若自鑄金銀錢入之金銀之會以鎊還鎊彼自無辭一也二曰商務通商各口買賣貨物均須以鎊合銀彼有千鎊之金錢卽可作萬金之貿易我輕而彼重卽彼富而我貧中國之匯號銀號典肆錢莊無不仰洋商之鼻息以金鎊易紋銀易以紋銀易金鎊難是彼以一金鎊奔走華洋華人已暗聽指揮相率入牢籠之內而平日出入虧累所不必言六十年來中國商務所以永無起色馴至今日海疆各埠無一富商卽偶有之亦必倚洋商通緩急者職此故也自鑄金錢通用金鎊彼此之勢始可持平二也

中國初開銀行以後將與洋行通往來乎抑不通往來乎如通往來必須金可通銀可通票亦可通方無窒礙否則買鎊賣鎊必致受虧亦與國債相等如不通往來其局面僅一匯票莊官錢局耳況國家萬一忽有急需豈能自堅其說則十日積之一朝散之反聚歛中國之現銀以輸之外國矣惟鑄用金銀錢銀行鈔票亦以金銀錢爲數則四通八達若網在綱三也中國既開金礦又不禁金出洋是爲授人利器既不鑄金錢又不用金鎊是爲自窒來源今日銀賤於金三十餘倍銅錢賤於金錢一萬餘倍他日將金收盡低昂其價值以盤算中國之銀則中國銀根立時短絀市面立見動搖生人養命之源懸於人手蓋貴能御賤重能御輕而輕斷不能御重賤斷不能御貴此一定之理雖聖王復起無可如何也惟鑄用金銀錢則大局挽回在此一舉四也或曰中國官民上下所通用者銀耳只須銀多何患金少此在通商以前可也通商以後則不可此後不通商可也此後仍通商則不可何以言之今綜計天下釐金關稅鹽課稅出於內地之商者約二千餘萬兩歲有所增各海關洋稅藥釐稅出於海疆各商者亦二千餘萬兩歲有所增是海疆之貿易已與內地相等內地可以銀計海口必以鎊計內地之現銀少海口之現銀多頻年海溢川流彼已將利權操之掌握此後金銀價值高下由人尙能保此銀之長在中國乎惟金銀並用乃

可輕重相權。且金錢輕便。所值較多。人可收藏一二文以防不測。是鑄用金錢卽藏富於民之上策也。或又曰。中國金礦甫開。奈黃金不敷鼓鑄。何而無慮也。各國之鑄錢者。非皆自有金礦也。按時價購金鑄錢。已能敷用。況中國從古至今。稱黃金最多之國。只須廣開金礦。並由銀行金店。按市價買金。斷無不足。現在情形。可考而知者。海關出口黃金之數。歲值銀三千七百萬兩。計重一百餘萬兩。按照英鎊之重。可鑄金錢七百萬元。漠河一處。出金歲亦在十萬兩內外。此外吉林奉天四川雲南等處。歲歲增多。外國鑄錢之機。皆金銀並鑄。惟鋼模不同。金重於銀一倍。金錢雖小。而分兩轉多也。故金多則鑄金錢。金少則鑄銀錢。從無停機待鑄之患。總之鑄金錢所以禦外。鑄銀錢所以安內。多鑄一金錢。卽外國免一分盤剝。多鑄一銀錢。卽內地免一分拮据。而以貴賤輕重之理。及現在情勢言之。則鑄銀錢猶緩。而鑄金錢乃彌急也。請言自鑄金錢之利。天下各國所用之金。惟中國赤金。係十成足色。標金則九八也。各國所用器飾錢幣之金。自六成至九六而止。無能及標金者。因鍊金無須化學。愈銀愈純。故中國獨居上上耳。各國鑄錢之金。大畧以八四爲率。因成色低。則行用不便。成色高。則資本太多。當日英鎊通行。卽係八四。他國仿英而鑄。亦以八四爲衡。本不必十成足色也。匯豐馬加利等銀行。專做中國金銀交易。運金出口。並無稅釐。以

彼八四之金錢抵我十成之金價是每金百萬兩顯虧十六萬兩矣今我取以鑄錢則每金百萬兩即可淨贏十六萬兩合紋銀五百萬兩其利之大如此故鑄銅錢僅敷成本而已鑄銀錢爲國大利鑄金錢則大利之尤此項利源理宜歸國並應奏定程式頒行以重其事則源源運鑄美利開矣請言通用外國金鎊金錢之利英鎊盛行而後各國相率鑄錢此國之金錢不得通行於彼國出入虧折仍屬不便於民惟中國自道光以來外國之銀錢銷流於海疆內地中國行所無事亦竟無弊端蓋天下之錢本供天下人之用天無私覆地無私載日月無私照則錢幣之流行大壤者亦然此天下之公義也銀錢如此金錢可知今自鑄金銀錢而外國之金銀錢與中國分兩成色相同者均准通用則彼錢皆我錢也在我振興商務以貨易之而已夫天下萬事萬物各有一至當不易之道無中外古今一也自開闢以來五千餘年天下鑄錢之多莫多於今日者各國錢法之亂亦莫亂於今日者而有不多不亂者存於何驗之驗於天下人之便不便而已矣便不便於何驗之驗於通行之廣不廣而已矣今英國之金鎊通行已徧地球美國墨西哥鷹洋所行亦占地球之大半粵鄂仿鑄分兩相同得其要矣中國銅錢雖僅行本國而以御小物畸零分算大益民生此三者皆天下之至便貴賤輕重適得其權衡度量之所宜然固圖法中至當不

易之大道也。然天道後起者勝。利弊之故。歷久而始明。中國當此之時。會逢其適。實富貧強弱之一大轉機。天佑國家。時不可失。應請宸斷毅然釐定圖法。飭下英美出使大臣。購買鼓鑄金銀錢機器一副來京。卽於京師設立錢局。機器之大小。以每月能鑄金錢百萬元。銀錢三百萬元爲度。明降諭旨。定圖法爲三品。金錢爲上品。成色輕重同英鎊。而龍文款式如銀錢。每金錢一枚。權紋銀七兩。銀錢十枚。銅錢十千。外國金鎊金錢。與中國分兩成色相同者。亦准通用。銀錢爲中品。成色分兩款式。均照粵鄂奏定之章。每銀錢一枚。權紋銀七錢。銅錢一千。五角小銀錢二枚。二角小銀錢五枚。一角小銀錢十枚。五分小銀錢二十枚。外國銀錢與中國分兩成色相同者。均准通用。銅錢爲下品。各省照舊鼓鑄。輕重以七分爲率。適敷其成本而止。出入一律。概以錢鈔各半爲衡。明定火耗公費。章程由內外官吏自行酌定。請旨遵行。以資津貼。佈告中外。咸使聞知。嗣後有阻撓圖法。挑剔留難者。以違旨論。京師錢局及粵鄂各省鑄銀錢局。並請皇上準今酌古。賞錫嘉名。以著一朝濟變之經。開萬世同文之軌。提綱挈領。操矩持衡。萬化之原。權輿於此。伊古以來。安有堂堂大國。億萬人民。而日蹙蹙然。患寡貧者。徒以鈔幣未定。民用不敷。物重錢輕。致成貧弱。以自鑄金錢立其本。以參用鈔票暢其流。以廣鑄銀錢銅錢宏其用。以開礦

務農通商惠工諸事收其利而保其權若網在綱如金受範遣師夏后繼美周京然而不強不富者未之有也管蠡之見是否有當伏乞據情代奏請旨施行無任悚惶激切待命之至

製造局開鑄制錢論

在昔承平之時各直省俱設有寶泉寶源等局專事鼓鑄制錢厥因內地所產之銅不敷鑄造遂漸裁撤至道光咸豐之際惟京師之寶泉局及蘇省之寶泉局二處尙未停鑄當是時天下精華皆萃於江浙一省富商大賈聚處於吳中財賦之雄甲於他郡故所造制錢皆取給於蘇局而銅質則借資於日本設立銅局兩處一爲永慶局係官督而商辦者號官局一爲嘉惠局係民間集資自辦者號民局皆雇有帆船數艘專往來日本各口採運銅斤初時獲利頗厚自粵匪擾蘇後兩局遂被燬無踪寶蘇局亦不復開設而蘇省鑄錢之事亦廢間有新出之錢皆京師寶源局所鑄者銅質較遜而出數亦稀定例新天子登極紀元必頒發制錢於各直省歷咸豐同治光緒三朝四十餘年間朝野多故時局艱難錢幣之鑄不能充裕而舊時所鑄之錢自乾嘉以上銅質精好無倫內地銅產既絀銅值驟昂奸商巧於漁利輒私燬制錢以爲器皿甚且謂滇銅所鑄之錢銅質中含有白蠟以西法化學鍊之每錢可得銀數厘相率販運出口內地泉源暴竭至近數年而益不能支推其致竭之由厥有數端一則因鼓鑄久停新錢絕少增添一則因採銅不易銅價專事燬改一則因舊制大精奸商取以鉛鍊一則因錢價陡增市儈壟斷居奇今

誠欲剔除四弊自以鼓鑄爲第一要義然開其源者仍當節其流況當經費支絀之時所出諒亦無多倘鑄者自鑄而燬者自燬則漏卮終無可塞之時此關道憲所以一面稟請開鑄一面卽諭屬嚴禁私燬誠哉其思慮周匝關心民瘼矣然以意度之本埠爲通商總匯之地市面較他處特盛錢糧當亦較他處爲鬆乃自去年至今錢串兌換反短於他處者其故何也良以各業中成本素裕之家輒將逐日所收之現錢屯積不出以待善價如南北貨店官醫園等類不都開有地窖多者十餘萬貫少者數萬貫數千貫合之便成大宗市面愈緊則物稀爲貴最少者並數十貫而藏以待價宜錢串之終不能長也且浦江中船隻往來如梭多於過江之鯽每客夾帶十餘貫船之小者可分帶數百貫而不露痕迹大者卽數萬貫亦可深藏雖嚴申厲禁而每日出口者仍不可以數計如此則錢荒安可救乎又聞浦左荒僻之處每夜設有鑪竈專鑄私錢及消燬制錢等類附近居民每於深夜輒見田中火光燭天迨夫天明則杳無形迹是欲救本埠錢荒者除開鑪鼓鑄查禁私燬之外尙當設法使奸商不敢屯積不敢販運出口而鄉僻處之鑪竈尤須審飭汛捕協力訪拿務使該匪等無地可容而後已聞蘇省因錢根緊急官中鑄鈔以濟其窮而市壁狡獪之徒將鈔指匿不放錢緊仍不見鬆曩方伯諭各當舖趕製錢壽以聳其利各商始懼而加長此實裒益之深算能挽回積弊於無形者劉觀察既有補救之心將爲滬上居民廣利源而甦生機則之數事者皆足以助仁政之措施且爲闔邑士民所同聲禱祝者也至以製造局爲鼓鑄之所則旣省工程又資便捷機匠旣皆熟手爐廠又皆現成但能廣籌經費徧採五金則旣鑄制錢以濟目前之急將來大

小銀圓皆可因此擴充由銀而金卽先零亦可試造蒸蒸日上之機胥於是發軔焉觀察誠今之憚人哉

論金銀漲落之由

近時美國金幣支絀銀幣遂至低落行情幾無底止橫濱正金銀行理事高橋某推論其理曰美國金幣支絀銀幣低落之原實因該國主金黨欲牽制主銀黨之勢力故爲是權術以挫抑之也美國將屆選舉民主之期昔日共和合衆二黨又分爲主金主銀二黨主銀黨之氣焰甚熾幾有鼓動輿情之勢以人數多寡計之主金黨固在下風然主銀黨中類皆中下等之人名望不甚隆智識不甚饒貲產亦不甚厚時不免有粗陋之徒辭氣鄙倍較之主金黨以東部諸州爲中堅貲財饒多名望知識並高固非可同日論矣主銀黨以西部諸州爲根據其壟斷銀幣全賴該地方銀行爲接濟而該銀行等貲財多薄又實仰給於東部諸州之銀行東部諸州積金家習知其故意欲抑制主銀黨之勢力使彼等知鑄造銀幣之不得暢行故遂將借給於西部諸銀行之本貲銳意收回西部諸銀行被其逼索自非收回所借出之貲財幾不知所指由是主銀黨大爲所窘別無週轉之法且併其所壟斷蓄積之銀幣亦不得不抑價以求銷路此銀幣市場所由敗壞也且東部地方積金之家知九月間爲美國輸出農產物之期將來輸出之貨必超於輪進之上故此時姑防止金幣之流

出不久而出貨既多自見金幣之流進故不以金幣支絀爲懼也。惟因防止金幣流出之故金幣利息遂陡增。查最近電音云英美間之匯票行情四元八十五仙二分之一。按英美間現劃貨幣之法四元九十仙爲自美國現劃金幣於歐洲之數又四元八十四仙二分之一則爲歐洲現劃金幣於美國之數。若按今日之匯票行情而論之歐洲金幣之權利殆幾爲所把持矣。由此以觀卽知今日銀幣低落皆主金黨所爲冀以抑制主銀黨而自伸其用金之權也。按以上所論雖皆推測之詞然頗得其梗概大約銀幣行情之低落尙未有已時矣。

日本東京古城貞吉譯

麥見九氏幣制論

美國共和黨候補總統麥見尼氏致貨幣制度直據已見移書於黨員其畧曰我國貨幣制度自千八百六十八年以後驟延至今復見其紛綸矣。蓋貨幣一端關財政之隆替道國者亟當留意也。彼合衆黨及主銀黨等欲以金一銀十六比例舉行鑄造銀貨之制已不能著實切施其制度之壞固無論矣。倘政府堅持此論定使財利社會及產業社會不勝悚惶。觀商賈之震讐聽謠喙之繽紛可以窺其涯畧矣。在合衆黨有識之士恐國家聲威自茲失墜民人福祉末由保全故甯肯黨論糾合同志

以抗自鑄銀幣以銀塊交國家造幣局代鑄之議也抑貨幣者或比較所有物品之價值或計量交換品物之數目或核算外國交易之差等懋遷之際最審慎焉若從

主銀黨之說自鑄銀幣而靳其勞費則委辦無人亦不能自收銀幣也卽一二礦家

及銀主被其利益而此外之人束手旁觀焉耳是美國之造幣局反爲一二礦家及

銀主而設也嗚呼邪說興而正論微矣夫自鑄銀幣不能紓勞工行路之難也不能

減勞工服勤之苦也不能增勞工賤役之價也不能助農家收穫之利也不能創設

工場而代謀生計也不能經營新業而同享樂利也噫莊生所謂使人憂使人悲之

道也烏可行哉要之自鑄銀幣之議雖以銀定價值之標準然銀之價值於別樣商

務無所補益又不能維持一切諸物之價值也則惟有敗壞決裂不可收拾而已況

言而不行卽行而鮮當其失信於商業社會已多矣昔合衆黨決議於芝加哥大會

曰現有五十三仙市價不論何人有携一元銀塊詣美國造幣局可易鑄造銀幣一

元以此銀幣爲法幣卽國家制法立爲貨幣也故於公私一切之用行使無礙也誠如此說則有

銀塊者可坐擁厚資而收其益自餘貧民無毫末之利也何則無銀塊者欲得貨財

而無由遂不肯出勞力以換之矣據現時市價一元銀塊值五十三仙故有銀塊者

得以五十三仙銀換一元錢也無銀塊者皆以昔值五十三仙銀塊爲當一元則國

家鑄造銀幣故有損而無益矣。若行銀幣使上下失利是國與民均兩損也。謂自鑄銀幣必有利益吾不信也。按我國千八百七十八年以來所鑄造銀元總計四億元有餘。此等銀幣現爲法幣故公私一切通用也。然將來自鑄銀幣其重量模形國家印記雖與現所行之銀幣同然其價值則必大異何也。蓋邇來行使銀幣者皆國家鑄造不許有一毫私利於其間乃能保全銀幣也。其定法制按當時市價收買銀塊以鑄銀元國家掌握造幣之權相度時宜鑄造貨幣以保持金銀幣之平衡而不敢私利私益增減鑄造額數也。然銀塊市價與銀幣定明價值如國家立法定價值者之差則民有利益而國無虧缺也。蓋銀塊市價常賤於銀貨所定之價值故此中所獲利益實非淺鮮。國家以鑄造貨幣支還國債有無互通便可風行於境內則其所定價值必無礙也。國中旣以此等銀幣爲法幣使市僧交易流通宜與本位金幣價值均同乃不使有銀幣者興折閱之歎是從道德中有此義舉實由法律上行此義舉也。蓋法制積久有法條者相沿以至於今也。足見自鑄銀幣決不能與上所述之銀幣同一概視也。假令同其形式其價值亦難比今存之銀幣也。何者曰若如自由鑄造黨之說則國家除鑄銀塊爲銀元外無關於造幣之務而鑄造利益絕無所得。旣發幣而不任其責奚必經營鑄幣通行之務乎。故維持銀幣當準人民自鑄之例而國家

代肩其任道鑄幣已成鄭重交付之而已既交付之則造幣之責亦畢矣是主銀論

者之大旨終使美國爲銀本位國而已

以銀爲本位貨幣果爾則自鑄銀幣者決不之國即如日本是

能維持銀幣之價值也王銀論者雖欲以值五十三仙銀爲百仙法幣而謂能保銀

幣與金幣同價乎恐不副所望矣不獨於理爲然即古今萬國之實例亦相同也故

自鑄銀幣之終極也勢必制幣

通行之制幣如銀幣是

之價值賤落始足當銀塊市價耳況市

價低昂原無定律一浮一沈不見常形則自由鑄幣之爲害於財政貽禍於商業昭

昭明矣如斯政策吾安得不無排之哉若美國複行金銀同一本位制

以金銀同一本位幣也

一恐

不可得矣當金一銀十六比例之時美國欲公開造局以金一銀十六比例鑄造銀

幣奈地球銀多紛紛麇集何諒複行本位之制亦不能久也墨西哥及中國用此

策而失計彼墨西哥公開造幣局以金一銀十六有半比例行自鑄幣之制意欲任

人自鑄金銀兩幣也然求鑄金幣者頗覺寥寥而國內金幣流出海外絕無形影究

其實情何異單以銀爲本位之制乎

以銀單爲本位貨之制也

故欲強行此制非得列國共行則

美國不如仍守金本位之故轍也且夫金幣者固地球大商所等視以爲本位貨幣

也況貿易中關繫我美者多以金幣爲本位制乎試觀千八百九十五年外國貿易

以金爲本位者十分之八自餘亦以金爲本互相貿易抑美國一千八百七十八年